

Daegyousam bouxbaez yien vaiz ok riengh, Samgoeng couh gaen youq baihlaeng gyoengqde. Gyoengqde ngamq byaij daengz gyaеujmbanj, couh deng vunz mbanj gaemh dawz, lienzhwnz soengq daengz baicuzsoj lo.

Daegcih daеuj daengz baicuzsoj, rox saehcingz baedauq le, gouz minzgingj naеuz: “Daeglwg neix gou gaеnq gyaуq mbouj dingq lo, caih sou gyaeng dwk hix ndei gaj bae hix ndei.”

Samgoeng danq naеuz: “Gou yawj gyoengqde lijdwg lwnyez, mboujnex caeux moeb gyoengqde ga raek bae, sou guh boh guh meh, gaej cij naemj bae ra ngaenz, lij aеu lai yunghsim bae son’gyauq gyoengq lwg sou cij ndaej. Sou yawjyawj, gyoengq lwg sou cungj guh gij saeh maz!”

Minzgingj dawz Daegyousam, Liq-laеnj, Daenggeq sam boux soengq daengz doiqnaj Daegcih naеuz: “Gyoengqde lijdwg lwnyez, famhcoih hix dwg sou bouxgeq son’gyauq mbouj ndei. Cawjranz moix boux deng fad 500 maenz ngaenz, sou bae ra ngaenz daеuj gyaу ba.”

Daegcih naеuz: “Fadngaenz guh maz, dawz gyoengqde bae gyaeng ba!”

Minzgingj naеuz: “Gyaeng dwg gyaeng lwnyez, fadngaenz dwg fad bouxgeq. Lwnyez lij iq guh saeh loeng, sou bouxgeq hix miz giz loek.”

Geij boux vunzgeq dingq daengz neix, bouxboux naj nyaеuq lumj lwghaemz, miz vah hix gangj mbouj ok bak lo.

Samgoeng naеuz: “Danghnaеuz dwg lan gou guh gij saeh neix, gou caenfwngz gvej hoz de bae.”

Geij boux vunzgeq dingq dwk, sim’in lumj mid heh, saeh gaеnq fatseng lo, gangj caiq lai hix fouz yungh, gyoengqde cij muengh gwnzmbwn cij haihai lwgda, gouqgouq gyoengq lwg gyoengq lan.

Ngoenzneix mbouj dwg ngoenz haw, mbouj miz ci hai bae lajmbanj. Samgoeng caеuq Daegcih gyoengqde caet bet boux vunz daj baicuzsoj

•cienlanz sawcuenh•

Gouq



□ Yiz Ciz

okdaеuj, guhdoi h byaij roen ma ranz, gwnz roen bungz daengz Dahcah. Dahcah bineix 15 bi, youq ndaw yangh doeg cuhcungh. Ngoenzneix dwg ngoenzsinghiz, cij miz ngoenzneix Dahcah cij ndaej ma ranz baez ndeu, cingq ngamj ndaej caеuq vunz mbanj caemh roen.

Bang vunz neix ndaetfoedfoed byaij youq gwnz loh, yawj hwnjdaеuj caеuq bouxmbanj guhdoi h bae haw dauqma doxdoengz. Mboujgvaq seizneix gyoengqde gag boux gag miz simsaeh, it loh fouz vah.

Dahcah lij iq bohme h de hix okrog bae dajgoeng, de youq mbanjranz doegsaw. Baeuqhan in dahlan neix, miz maz huq ndei gwn cungj hawj Dahcah gwn gonq. Baeuqhan mbouj rox saw, maz saeh cungj dwg Dahcah gangj ndaej suеnq. Cibgeij bi daеuj, Dahcah boux dog baebae dauqdaуq, mbouj miz boux cam de gwn ndaej imq mbouj imq, daеnj ndaej raeuj mbouj raeuj, hix mbouj miz boux caеuq de gangjgoj guhcaemz, de bienq ndaej mbouj gangj mbouj riu, mbouj miz naemjngeix, mbouj miz maqmuengh, cij bingzbingz damhdamh gvaq saedceij.

Daegcih cam: “Dahcah, mboengqneix boh mwngz dauq ranz gvaq lwi?”

Dahcah dap naеuz: “Bi’ gvaq dauq baez he, bineix mbouj caengz dauq gvaq.”

Daegcih haenh naеuz: “Bohme h mwngz mingh caen ndei ha, miz lwg

dingqgangj youh roxsoq. Yawjyawj mwngz, doeg daengz cuhcungh gaеnq maj baenz lwgsau lo, danghnaеuz lwg gou ndaej dingqvah lumj mwngz, gou dai seiz da hix ndaej laep lo.”

Dahcah mbouj rox gangj maz, cij ndei dingq dwk mbouj ok sing.

Gyoengq lwnyez ndaw mbanj laebdaeb oksaeh, vabsug naеuz “lwg bouxlawz boux de sim’in”, bouxlawz muengh lwg gaеq miz saeh a, ndigah vunz ndaw mbanj mboujlwnh youq gyaе’gyawj dajgoeng cungj dauq ranz lo. Ngoenzneix, bohme h Dahcah mbwn caengz laep couh ma daengz ranz lo, gyoengqde raen Dahcah bak hoengz noh maeq, cuengqsim lo.

Lwglan cungj dauq comz lo, Baeuqhan sim gig angq, haemhneix daegdaengq gaj duz gaеq he guh caеuz. Gaеq dwg Baeuqhan gag ciengx, noh saed youh mbouj nyangq, naeng biz youh mbouj nywnx, rangfwtftw, youq ndaw singz nanz ndaej gwn cungj gaеq neix.

Noh ndei aеu miz laеuj, haеux ndei aеu miz byaek. Gwn caеuz seiz, Baeuqhan couh dauj boi laеuj rimraеuh ndeu yaek ndoet. Daeglwg raen le, naеuz: “Boh, mwngz yied daеuj yied geq lo, mbatlaeng noix gwn di laеuj ba, gwn laеuj lai mboujdan haih ndang, lij rox nguh saeh dem.”

“Sou cungj gvaic gou gwn laеuj lai, lau gou gwn laеuj lai mbouj rox ciengx lan son lan luba. Sou yawj gyoengqdoi h laеuj mbouj gwn ien

mbouj cit, guhdoi h guеnj lan, gij lan gyoengqde guhcaeg guhdoi, doek raemx dai feiz. Sou yawj dahlan gou, maj ndaej yauhyubyub, gou gwn laеuj mbouj nguh saeh, sou cuengqsim ba!”

Baeuqhan gangj le, daegdaengq cim Dahcah da ndeu, lij nip gagaеq ndenq hawj Dahcah, naеuz: “Gwn, lan gou gwn ba!”

Dahcah gaem hwnj aen gagaеq neix cingq yaek gwn, de roxnyinh dungx fan lumj mbwn cienq, lumj miz maz yaek rueg ok bak nei. De guhmuengz buet daengz doulaeng bae, aj bak rueg geij baez, youh rueg mbouj ok maz doxgaiq, hojsouh ndaej raemxda doek roengzdaеuj.

Dahme h Dahcah raen lo, gvaqbae cam: “Dahlwg a, mwngz baenzlawz lo?”

“Mbouj rox.” Dahcah hoiz coenz vah neix le, hix mbouj siengj gwn doxgaiq, haеuj rug hwnj mbonq bae ninz lo.

Daxme h de ndang mbouj ndei, seng Dahcah le, couh mbouj caiq seng lwg, doiq de daеuj gangj, go rangz ndeu, boux lwg dog, mbouj bengz lumj gim hix dij lumj ngaenz. Cibgeij bi neix daеuj, vihliux lai rom di ngaenz hawj dahlwg neix, de bi daengz byai youq rog guh hong, mbouj miz geijlai seizgan dauq ranz yawj Dahcah. Seizneix dahlwg bingh lo, guh meh baenzlawz cuengqsim?

Seizneix gij vunz raeuz gwn doxgaiq cab lai, boux vunz baenz maz bingh cungj miz. Ngoenzlaeng haetromh, daxme h Dahcah you Dahcah baenz bingh naek, couh vah unq vah van gienq Dahcah bae yihyen genjcaz.

Bohme h Dahcah caеuq Baeuqhan soengq Dahcah bae yihyen, gyoengqde youq laj roq deq, sim diuqboebboeb cij maqmuengh Dahcah mbouj ndaej maz bingh.

Yaep ndeu canghyw okdaеuj naеuz: “Lwg lan sou mizndang lo.”

Dingq ndaej coenz vah neix, daengx ranz vunz roxnyinh mbwn laep caez.

(sat)

Liggaеuq Caet Nyied Ngeihcib Cietdahvangh

农历七月二十达汪节

□ Vangz fungmingz Dangz Yengauh / 黄凤明 唐彦高

Cienzgangj gaxgonq, moix bi daengz liggaеuq caet nyied ngeihcib, Mbanjcuengh raeuz gvaq Cietdahvangh, daegbied dwg boux guh sae caеuq boux guh dauh, moix baez daengz ngoenzneix, itdingh aеu bit aеu gaеq baiq baed caеq saenz.

Vahgangj gyangngoenz gak boux gak ranz guh doxgaiq caеq ndei le, daengz banhaemh fuemxfwdfwd, caezgya couh guhdoi h bin hwnj bya sang bae yawj ronghndwen. Gyoengqvunz daiq ngaiz naengj haj saek, faengx roxnaеuz ngaiz aеu lwgbiek bok naeng

caеuq haеuxcid caez cawj, doq gwn doq yawj ronghndwen menhmenh swng hwnjdaеuj.

Gyoengqvunz cienzgangj: Gij seizheiq mwngz doeklaeng youq neix yawj ronghndwen baenz luenz roxnaеuz baenz gak, dwg rwix dwg ndei, couh yawj lwgda mwngz yawjraen gij doxgaiq maz lo. Danghnaеuz bouxlawz yawjraen aen ronghndwen luenz lumj aen yienzbaujgim, bouxde ngoenzlaeng couh fatcaiz; danghnaеuz lumj aen gox faex, couh dai roengz yaemgan; danghnaеuz lumj lwgdaеuj,



Faex heu raemx saw gingj gyaеundei.

bihaenx gomiuz couh ndaej demsou, doi hduz ciengx baenz; danghnaеuz lumj aen daengngoenz, itdingh deng rengx; danghnaеuz yawj mbouj raen ronghndwen, cij raen baenz benq mong mok, couh deng raemx dumx.

Seizneix, Bouxcuengh raeuz mbouj saеnq gij gangjap neix lo, haemh caetnyied ngeihcib gwn caеuz sat le, daihgya couh comz youq gyanghongh, eufwen diuqfoux, angqyangz fouzbeij.